

յով սպասաւորե՛ ամենեցուն՝ մեծ կոչեսցի յարքայութեանն Աստուծոյ^ա: 11 Որք եւ զպատասխանիս ձերոց ընդ մեզ այդչափ բանից եւ սպառնալեաց հրամայեցիք առնել մեզ ինչ. բանզի ոչ իբրեւ զանգետս գործեցաք անխորհուրդ զայնպիսի մեծ եւ ահաւոր գործ, եւ զղջացեալ եմք, եւ կամ այժմ կարծիցիմք յոմանց՝ երկիւղիւ եւ ոչ ուրախութեամբ կալ առաջի ահաւորութեանդ ձերոյ. այլ ի վերայ գործելեացն ուրախ եմք եւ ցնծամք. այլ մեք պատահեալ եմք ազգի ազգի վշտաց, եւ մահու եւս փափաքելով սպասեմք՝ զի արժանի լիցուք:

12 «Իսկ յաղագս ատրուշանացն աւերելոյ որ ասեքդ, եւ կամ կրակին սպանանելոյ՝ ասե ի մեր Գրի, թէ՛ *Աստուածք, որ գերկինս եւ գերկիր ոչ արարին՝ կորիցեն ի ներքոյ երկրի*^բ: 13 Վասն զի կրակ ի բազում նիւթոց լինի. եւ է զի յորոց նիւթոց լինի՝ ի նոցունց եւ շիջանի, եւ է յորմէ լինի՝ ի նոցունց աճեալ բորբոքի: 14 Արդ՝ ծնանի հուր յերկայթոյ, եւ ի քարէ, եւ ի ջրոյ, եւ ի փայտէ. այլ է եւ ուլն սպիտակ, որ ի նմանէ լինի հուր. լինի ի կաւարծաթոյ² հուր, յորժամ ընդդէմ արեգական ոք շողացուցեալ դիցէ: 15 Եւ ծնեալն յերկայթոյ հուրն, թէ կուտեսցես ի վերայ նորա երկայթ՝ կորնչի. եւ եղեալն ի քարէ, եթէ ծածկեսցես զնա քարամբք՝ անցանէ. ³նոյնպէս որ ի ջրոյն եւ յայլ նիւթոյ. իսկ ելեալն ի փայտէ հուր՝ ի փայտէ վառեալ զաւրանայ. արդ ոչ հուրն, այլ փայտն արժանի է անուանել աստուած, որ ե՛ւ ծնանի ե՛ւ կենագործէ: 16 Արդ՝ ո՛չ արդեաւք իցէ յետին մոլորութիւնն չար, զթշնամիսն միմեանց՝ եղբարս անուանել եւ զմարդկան հաստուածս՝ աստուած: 17 Որ⁴ զիւր զեղբայր եւ զծնող որպէս թշնամիս ծախէ, զիա՞րդ նա զթշնամանիչս իւր եւ կամ զերկրպագունս⁵ գիտէ պատուել եւ կամ⁶ թշնամանել. եւ դարձեալ յորմէ ծնանին՝ զնոյն ուտեն եւ անխնայ⁷: 18 Ոչ պակասէ յամենայն նիւթս⁸ հուր. ապա ուրեմն ամենայն նիւթք երկրի⁹ աստուածք. ապա թէ այդպէս գիտեք, ընդէ՞ր կուրացեալ մտաւք զկէս մասն անուանեք աստուածք, եւ զկէսն յաղտեղի գործ ծախեալ թշնամանեք. որպէս յաղիւսոց¹⁰ եւ ի քարանց զկէսս ապա-

ա Մատթ. Ե 19

1 ՏՏ. չիք թէ

բ Երեմ. Ժ 11

2 Ձ. յոր ի նմանէ լինի հուր, լինի կաւ յարծաթոյ

3 Ձ. եւ նոյնպէս... եւ յայլ նիւթ

4 Ձ. եւ մարդկան աստուածս: աստուած որ Ատ. նոյնպէս մարդկան

5 Ձ. զերկրպագունս

6 ՏՏ. պատուել կամ

7 Թերեւս ուղղելի՝ զնոյն ուտէ նա անխնայ

8 Ձ. ոչ պատկառէ յամենայն նիւթ

9 Ձ. նիւթք երկրի

10 ՁԱԲտ. յաղիւսոց